



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Caput 6. De Confessione Sacramentali.

urn:nbn:de:hbz:466:1-40853

Nullum autem de præbendo laicis calice præceptum à Christo constitutum , aut à primitiva Ecclesia agnatum fuisse vel ex eo patet quod Paulinus presbyter in vita S. Ambrosii narret , dum jam S. Ambrosius esset è vita excessurus , Sacerdotem nomine Honoratum divinitus ter advocatione adfuisse , & S. Ambrosio dominicum Corpus obtulisse , sine ulla sanguinis mentione , quod , irquit , ubi accepit emisit Spiritum . Et ipse Dominus non tantum manducanti carnem & bibenti Sanguinem , sed etiam seipsum sub sola panis specie fumenti vitam æternam promisit , *Ioan. 6. Qui manducat hunc panem vivet in aeternum.*

CAPUT VI.

De Confessione Sacramentali.

I. DOCENT Catholici lapsis in peccatum mortale à Christo præceptam esse confessio- nem Sacramentalem , formaliter integrum , & distinctam quoad speciem & numerum dilictorum , coram Sacerdote ad hoc legitimè depu- tato.

Hanc confessionem , quam auricularem vo- cant , negant passim Sectarii , existimantes suffi- cere se coram Deo peccatorem agnoscere . Quamvis nec in hoc inter se omnes convenient : constat enim Lutheranos multis locis in Germa- nia etiam coram Ministro suo peccata saltem genericè confiteri . In hoc errore concordant Novatores nostri cum hæreticis Novatianis à primitiva Ecclesia damnatis , qui oris confessio- nem , & Sacerdotis Sacramentalem absolutio- nem penitus sustulerunt : uti tertio post Chri- stum

stum saeculo testatur S. Cyprianus lib. 4. epist. 2.
& S. August. de haeresibus Novatianorum. Fieri
autem non potest ut doctrina illa nunc sit vera,
quæ in primitiva Ecclesia fuit heretica.

2. Probatur doctrina Catholica ex Scripturis,
quæ hanc absolvendi potestatem Sacerdotibus
apertè concedunt Matth. 18. *Quicumque lig-
atis super terram erunt ligata & in calo, & quecum-
que solveritis super terram erunt soluta & in calis.* Et
Joan. 20. *Accipite Spiritum sanctum, quorum remisera-
tis peccata remittuntur, & quorum retinueritis retenta-
sunt.* Item Jac. 5. v. 16. *Confitemini alterutrum pec-
cata vestra.*

Itaque ex illis Christi verbis sic argumentor.
In Ecclesia Christi, quæ est perpetua, constituti
sunt perpetui Judices cum potestate ligandi
atque absolvendi peccata. Atqui Judex non
potest absolvere aut remittere peccata, nisi ad
ipsius tribunal fuerint relata, & debitè exposita.
Ergo ad peccatorum absolutionem à Christo in-
stitutam necessarium est illa à poenitente Sacer-
doti debitè exponi. Non enim potest Judex ab-
solvere a delictis sibi incognitis. Sacerdos autem
nequit delicta cognoscere nisi illi à poenitente
per Confessionem aperiantur, cui soli peccato-
rum suorum malitia solet esse manifesta.

Neque refert quod Christus Magdalenam, &
quosdam alios sine particulari peccatorum con-
fessione absolverit. Christus enim, cum esset
Deus, à potestatem habuit absolutam peccata
contra statim legem commissa quoeverque modo
condonandi. At ministri Ecclesiae, cùm à Christo
constituti sint Judices ad ligandum aut solven-
dum iuxta statum poenitentis, debent ejus sta-
tum & delicta expendere, antequam sententiam
ferant. Hunc autem poenitentis statum purius

226 Tract. 2. cap. 6. De Confess. Sacram.
homo absque distincta peccatorum confessione
cognoscere nequit.

3. Atque ut apertè pateat hoc Pœnitentiax
tribunal eo quo diximus modo à Christo con-
stitutum fuisse, & à primitiva Ecclesia perpetuò
usurpatum , ipsam in suis Patribus loquentem
audiamus.

S. Augustinus in Hom. 49. cap. 3. Nemo sibi di-
cat, occultè ago , apud Deum ago , novit Deus
qui mihi ignoscit quid in corde ago : Ergo sine
causa dictum est, *qua solveritis in terra soluta erunt*
in celis : ergo sine causa sunt claves datae Eccle-
siæ Dei. Frustraneum Evangelium , frustranea
verba Christi , promittimus vobis quod ille ne-
gat. En quomodo nobiscum has Scripturas Au-
gustinus intellexerit : & confessionem occultam
soli Deo , non Ecclesiæ ministro sectam repro-
baverit.

Audi iterum, & execrare tam apertum nostri
temporis errorem. Aug. lib. 2. de visit. infirm. cap.
4. Sunt quidam , qui sibi ad salutem sufficere
autumant, si soli Deo cui nihil occultum est sua
confiteantur crima : nolunt enim aut erubef-
eunt, five dedignantur se ostendere Sacerdoti-
bus, quos tamen inter lepram & lepram discri-
nere per legislatorem Dominus constituit...
Ergo ad te venire roges Sacerdotem , & fac
illum consentiarum tuarum penitus participem.
En quomodo penitus integrum requirat fieri
Sacerdoti peccatorum Confessionem. Audi por-
tio quâ censurâ hanc omittentes ibidem per-
stringat. Non seducat te, inquit, illa somnia-
tum supersticio , quæ in visitando confirmat,
quasi salvet , Sacerdote inconsulto , ad Deum
peccatorum Confessio.

Idem inculcat antiquissimus Athanasius Serm.
in

in illa verba. Invenietis pullum alligatum. Non dum, inquit, soluta sunt vincula, tradat te ipsum discipulis Iesu, adsunt enim qui te solvant pro potestate ea quam à Salvatore acceperunt; quæcumque enim ligaveritis inquit in terra, erunt ligata & in cælis.

Idem docet S. Basilius *Interrog. 288.* Necessariò iis peccata aperiri debent, quibus credita est dispensatio mysteriorum Dei.

Idem necessarium esse confirmat S. Chrys. *lib. de Sacerd.* Qui laborant Christiani, ultrò sibi persuadeant Sacerdotum curationi se submittere oportere.

S. Cyprianus tertio post Christum saeculo, *lib. de Iapsis*, Confiteantur singuli delictum suum dum admissi ejus Confessio potest, per manus impositionem Episcopi, & Cleri jus Communionis accipient.

Innocentius I. quinto post Christum saeculo, in vita S. Ambrosii. De pondere aestimando delictorum Sacerdotis est judicare, sed quomodo nisi illi innotescant.

Ex his iterum aliud inferre non potes, quam falli Scripturas, errare Patres primitivæ Ecclesiæ, aut certè illos à veritate deviare, qui sacramentalis Confessionis necessitatem non admittunt.

CAPUT VII.

De Purgatorio.

1. **D**octrina Catholica est, præter Infernum damnatorum, extare alium locum quem Purgatorium dicimus, in quo animæ justorum,

K 6

quæ